

# BETH MAE ERAILL YN EI WNEUD?

Gall datblygu cynnwys i'w ddefnyddio ar gyfryngau cymdeithasol gael ei greu mewn amrywiaeth o ffyrdd gan ddefnyddio gwahanol blatfformau a phecynnau meddalwedd. Cyn i chi ddechrau creu cynnwys ar blatfform newydd gwnewch yn siŵr eich bod chi'n edrych ar unrhyw delerau ac amodau yn ogystal â'r hyn y gallwch chi ei wneud o fewn terfynau pob platfform neu becyn meddalwedd.





## PLATFFORMAU CREU GRAFFEG GWYBODAETH

### Canva

Mae Canva, un o'r gwefannau mwyaf poblogaidd ar y farchnad, wedi'i ddatblygu i'w gwneud hi'n hawdd creu a golygu delweddau wedi'u teilwra i'w rhannu ar gyfryngau cymdeithasol. Mae gan y wefan dempledi wedi'u llenwi ymlaen llaw ar gyfer pob platfform cyfryngau cymdeithasol a chyfres o raffeg, ffontiau a delweddau ychwanegol am ddim y gallwch eu defnyddio.

[www.canva.com](http://www.canva.com)

### Adobe Express

Mae'r wefan hon yn eich galluogi chi i greu cynnwys yn gyflym drwy ganiatáu i chi gyfuno testun, delweddau a chynnwys fideo yn hawdd i helpu i rannu'ch brand. Mae'r cwmni'n cynnig nodweddion a swyddogaethau y mae posib talu amdanynt felly byddwch yn ymwybodol o hyn wrth ddefnyddio'r platfform.

<https://www.adobe.com/express/create>

**Ystyriwch a oes angen i'ch clwb neilltuo rhywfaint o arian i gefnogi'r defnydd helaeth o blatfform graffeg gwybodaeth fel y ddau a ddisgrifir uchod. Yn well byth, cysylltwch â'ch aelodau i weld a oes gan unrhyw un fynediad eisoes i unrhyw blatfformau y gallech eu defnyddio. Os oes rhai aelodau eisoes yn defnyddio platfformau fel hyn, holwch a oes ganddynt rywffaint o amser i roi help llaw.**





## DELWEDDAU

### Unsplash

Mae Unsplash yn wefan sy'n darparu delweddau y gellir eu defnyddio'n hwylus. Gellir lawrlwytho llawer o ddelweddau am ddim, ond cofiwch fod cost am rai delweddau, felly gwiriwch hyn cyn bwrw ymlaen i lawrlwytho. Awgrym: yn y bar chwilio yn Saesneg, rhowch soccer yn lle football.

<https://unsplash.com/>

### Vecteezy

Unwaith eto mae gan y wefan hon gyfres gyfan o ddelweddau a bar chwilio lle gallwch hidlo lluniau yn ôl lliw, lleoliad, arddull, nifer y bobl, oedran modelau sy'n fwy addas i'ch clwb a'ch cynnwys.

[www.vecteezy.com](http://www.vecteezy.com)

**Ystyriwch sut gall eich clwb ddatblygu ei gronfa ei hun o ddelweddau. Ceisiwch ddarganfod a oes gan rywun o fewn eich clwb sgiliau neu ddiddordeb mewn ffotograffiaeth ac wedyn holi a all roi peth amser i gofnodi gweithgarwch eich clwb.**







## PLATFFORMAU GOLYGU FIDEO

### HitFilm Express

Mae HitFilm yn feddalwedd golygu fideo am ddim sydd â swyddogaethau allweddol i'ch helpu i greu fideos cŵl, modern, gan eich cysylltu â'ch cynulleidfa yn ddigidol.

<https://fxhome.com/product/hitfilm>

### iMovie

Bydd gan y rhan fwyaf o'ch aelodau ddyfais symudol ac, os yw'n iPhone, mae Apple yn cynnig iMovie am ddim. Gydag iMovie, gallwch greu fideos cofiadwy o ansawdd sinema. Gellir datblygu'r fideos yn syth o'ch ffôn yn gampweithiau o'r dechrau un, neu drwy fyrddau stori a awgrymir.

Bydd gan blatfformau fel y ddau a nodir uchod lu o swyddogaethau anhygoel, gan eich helpu i ddatgloi byd cwbl newydd o olygu fideos. Os gallwch chi, gwnewch yn siŵr bod eich swyddog / tîm marchnata a chyfathrebu yn rhoi peth amser i ddod yn gyfarwydd â'r safle a ddewiswyd a'r holl nodweddion jazzaid cyn ymgymryd ag unrhyw dasgau neu brosiectau.

